

沈乃文主編

明別集叢刊 第二輯

第四十二冊

黃山書社





国家出版基金项目
NATIONAL PUBLICATION FOUNDATION

「十二五」国家重点图书出版规划项目
2011—2020年国家古籍整理出版规划重点项目

沈乃文 主編

明别集丛刊 第二輯

第四十一冊

黃山書社



（明）黃金著

東遊集一卷

明抄本

東遊集

辛溪黃金著

出京

恩命新承出 帝州風雲壯志屬茲遊
四瞻王氣浮龍虎近擁行轡列貔貅
時共騎送故云心上經綸元有目
眼前凋瘵可無瘳却思卓魯龔黃事
子載于今芳譽流

早發臨邑

縣城侵曉發村巷戶初開人立茅簷下
鷓鴣草間隈陰交煙樹合風逐水雲來
極目臨高處時懸陟屺懷

過章丘東陳平岡大尹先任內翰

一入使君邑賢聲滿路傳瑚璉元自重
枳棘使人憐冠守聊河

內班生且洛川他年勲業任翹首望凌煙

公署

曉涼清暑興悠哉靜院無人草色開
柢爲浮名千里外俄驚物候九秋來
短牆過燕多新語古栢當庭半舊栽
國計報來書上考皂囊應達九重臺

過濟陽

濟陽城北古河流雲樹拂天無盡頭
舟車難通盡賈利居民半是野耕
謀桑麻色散青郊路村落聲聞白社
謳却羨花封賢令尹雅知教養爲民壽

發曲堤

晨鍾鳴野寺客子即征塗鷄鳴村初曉
人行露尚濡引輿排蠟炬清道羅兵徒
幾望東方白林間星影孤

青河渡

日暮望行色遙塵滿路飛平岡
垂碧草孤嶂隱斜暉獨樹中流見行人
隔岸回輕風揚柳渡颯颯舞征衣

登太山有作

太山曾豁仲尼眸今日何緣得此遊
獨夜遙瞻星拱北晴旭俯瞰海東流
兩輪日月朝昏見萬古乾坤上下浮
紀德磨崖應有待願爲搗藥闌望休

侵曉肩輿度太山崇岩絕壁路迴還
清風細轉長林外晴日高臨曲水灣
疑是飛仙凌碧漢恨無大藥駐朱顏
自憐車馬紅塵客空負白雲漂渺間

石磴連雲起有興向日馳澗鳴泉漱玉
峯引岫成惟捫草觀唐碣刻苔覽漢碑
平生懷古意感慨有餘思

山院聞簫

洞簫縹緲隔溪聞疑是仙家弄夕曛
况復梁園千里客宦情鄉思兩紛紛

寄內兄較溪春曹

一自燕臺別今來數月臨解禁身更苦
極敝力難任骨肉三秋淚關河萬里心
鱗鴻如有便莫惜枉佳音

夜出武定道中

人稀秋夜靜野色望中微
水落沙浮白天空月吐輝
荒鷄先曉唱邊鴈隔雲飛
民瘼關心切何辭遠道歸

卽事因踏災有作

省災夙駕過東阡邑井蕭條最可憐
極目荒煙籠白草傷心流水沁平田
已知民力刀鉏盡側望君恩旦夕蠲
遮泣道前聲震野西風回首淚潸然

脫粟

弱冠登科幾閱春志存濟世與安民
微官初試新城令高節常期往哲倫
唯恐素餐招物議敢因脫粟怨官貧
吾家世宦多清白願取芳馨繼後塵

春偕僉憲楊公看小清河

曉隨憲節開河防駭浪驚風勢渺茫
本是斯民禾黍地胡爲今曰水雲鄉
沙邊返照紅將歛堤上寒煙晚故長
滿眼瘡痍誠痛骨不知誰與底平康

和月峯賈二府憫災韻

停舸一望水滔天水患今來倍昔年
已過三秋無一粒安能斗米直三錢
蕭條風色吹寒露浩渺波流浸野田
幸有明公來拯溺齊川才負斗山懸

過淄川

促駕淄川道山園四望晴
流泉衝亂石絕壁帶芳英
日耀旌旗色風傳鼙鼓聲
思親不可見回首白雲情

曉渡孝婦河

山寒風撲面霜凍水侵人
石上肩輿過河濱從騎巡丹崖飛野馬
碧草競餘春旭日遙天外時時散影新

謁顏孝婦靈泉祠

一入靈泉祠淒風洒髮毛
遺容留萬古頂德仰吾曹
路轉朱堯出山開碧殿高
辦香聊展敬瞻拜敢辭勞

甕口山

甕口名山跡亦奇行人到此路多疑
卞嶺旭旦浮光細漫訝寒雲靜影遲

耳畔草蟲振谷目前峯葉翠含姿
平生雅好林泉趣伏軾沉吟有所思

新泰山行有感

今年失脚下魚磯悔却從前心事非
本意布衣安懶拙何心青紫逐輕肥
故園松菊開荒徑客路烟霞送落暉
自笑此身真浪跡關山空望白雲扉

苗山店

山行鎮日遠山阿望眼林霏感慨多
一徑殘花開晚樹半溪曲水泛寒波
荒原不見桑麻地野俗行看鳥雀羅
可念此方生意少不知民牧欲如何

宿山寺

夜宿招提境，天空象緯開。
佛香飄別院，僧吹動曾臺。
菊燦霜灯外，蟲鳴月牖來。
靜中俗慮息，回首即塵埃。

書寄高東玉亞卿因而賦此

晚衙人散已，初更東燭揮。
毫報女生帳，別每驚千里。
夢論交常憶，十年情一簾。
花影風初定，滿院秋光月。
正明無那，懷人阻兩地，何時對酒破愁城。

濟南贈周弦齋之汀州

聞君新命守江皋，濟水城邊送節旄。
世務閑來同臭味，宦情歷盡幾風濤。
舊爲御史曾攀轅，今任專城始佩刀。
從此經綸應有在，勲華端不負人豪。

雪夕偕竹溪一齋集李九山館

滕六飛花動遠天，錦堂銀燭照華筵。
卽有三白占豐歲，更喜同心擬昔賢。
醉裏流觴延漏永，興來染翰覓詩聯。
他鄉今夕成高會，何羨王猶雪夜還。

夜餞王蘆泉

送情常繫汴河干，宦邸逢君強自寬。
千里下堪知國遠，一尊同對雪宵寒。
座中燈火流香霧，簾外歌鍾繞畫欄。
散晏莫教輕許別，明朝四首路漫漫。

夜宴張梧川宅

薄暮開嘉宴，嚴城欲二更。
衣冠集上客，蕭鼓動前楹。
歡叙平生舊，歌持此日情。
霜清鶴唳夜，猶自論縱橫。

偕胡二川夜過章丘

蚤夜勤王事，相逢喜並輿。
林空斜見月，橋斷細通渠。
蓋轉連雲迥，驕鳴入野徐。
誰憐遊子意，遙念在親廬。

龍山驛途中

旭旦煙嵐秀，雲長客路遲。
寒禽鳴野樹，寒草蔓荒池。
故里千山隔，離人方寸思。
無端風力勁，時向手中吹。

青陽驛夜雪

朔風午夜掠行臺，六出飛花片片來。
坐對燈前寒透骨，起看庭下雪成堆。
照室認爲雲母障，隔林遙望玉英開。
清香一種毒花味，恨不當筵有酒杯。

鄂平雪中

肩輿雪裏度鄂平，雪影雲光一樣清。
閃閃旌旗雜鼓吹，只疑跨鶴玉宵行。

賀王金吾七十

極星流采當初度，華館開筵集上賓。
寶篆風飄香霧暖，斑木酒進紫霞醇。
極知福德栽培厚，可是天人感應真。
願擬南山祝永壽，木公合信是前身。

鐵山道中

獵獵旌旗捲朔風
曉天遙望海雲紅
雪消客路泥猶濕
春到河橋凍欲融
皂蓋影搖山色動
錦袍光映日華烘
輶車時駐詢田叟
每見荒蕪一愴衷

寄上家君

海月流清漢
客窓散素光
故國去千里
南北各一方
思親不可見
垂白在高堂
晨昏瞻起居
左右誰教養
一介遣行李
遙爲布衷腸
書去神亦去
儼然在親傍
諒知冠冕意
何似坐石床
立身與行道
勉不敢忘涯
官甬半載獲
上民亦康
素履苟不爽
官箴庶無妨
何日瓜期代
團樂進壽觴

憶都憲沅溪何公北上

憶在京華日
談經夜共羣
別來驚歲晚
到此喜官聯
德業恒相勉
才名每見憐
匆匆忽北上
悵望暮雲邊

正月十六日偕諸同寅登城北臺

去年此日燕蓬萊
重游官寓
今歲同登魯國臺
序轉青陽開品彙
雲連滄海淨纖埃
輕風飄颻吹雙鬢
淑氣氤氳徧九垓
正是元宵燈火夜
太平蕭鼓侑金杯

陽春有脚到蒿萊
勝日登臨野外臺
暫假薄遊占歲事
不妨夙駕冒氛埃
管絃聲沸惟清晝
老穉人呼步步來
核可是太平真景象
問問醺飲亦啣杯

魯竹溪往署臨邑餞于北臺有贈

送客春郊外
微風近午天
城隍迂徑轉
水曲斷橋懸
對酒歌金縷
登臺望紫煙
蒸黎應有待
莫遣馬留連

寄高東玉太卿

童稚情親三十年
比來消息兩茫然
縱知故國終相聚
無那他鄉最可憐
曾水煙含春野樹
除山地隔暮雲天
迢迢不盡相思恨
握手何時醉綺筵

新城早發

曉出桓臺道
山雲入眼清
流鶯織細柳
旅鴈度高城
學官空無補
年華每自驚
強顏今日事
感嘆負平生

雨後長山即興

雨過平衡靜
天空皎日低
石橋騎馬滑
芳樹坐鶯啼
風色翻征蓋
春流亂野畦
雲山望不極
客思轉淒迷

夢童內方學士

往歲送別三月天
桃紅李白耿蒼煙
君擁玉勒雙龍節
我薦陽關三疊篇
離遙在城西
寺把酒相看愧黯然
只欲尊前玉山倒
何妨門外驪歌早
酒闌歌盡日將斜
駟馬高車即遠道
悵望寒雲孤鴈飛
碧天萬里淨如掃
憶昔同是京華客
各自少謬忝聲名
赫同袍豈特骨肉親
每語見許文章伯
相期握手五雲衢
光舜君民雷竹帛
一自去後不復還
遺書滿緜筆
痕斑誰遣修文歸
地下空留華閣落
人間今宵忽向夢中見
款語平生別意慳

覺來慘悽聊數語感今悼昔淚潛潛

賀少府一齋施公榮膺旌獎叔

夫人之於世也凡有所負挾者孰不欲凌風排雲鼓翼於九天之衢以赴功名之會以遂生平之願也哉頃時有遲速數有成否而德有靜躁才有短長之不同夫時與數在天者也才與德在人者也係于天者雖難必而存乎人者當自盡君子亦唯盡其在我而已苟盡其在我則人以勝天天以人定隨軼輒効而榮名隨之是又烏可以執一論哉然則君克被旌獎之榮寧無所自也耶予嘗聞之君子藏器于身而動必有獲行無不利者乃其養之有素也於君殆有徵焉何哉予與君爲同鄉往往

聞君名頃承乏新城大金吾許南岡過予曰一齋爲人蘊藉深厚恭謹忠雅適數奇久之以選士始拜今職時暇恒卑之幸得公相與其有成哉及接君見其貌恂恂爾言訥訥爾虛衷謙謙爾是蓋靜養而有德者予曰嘻君固其可與也南岡其知人哉已而觀其職司馬政勤於考牧中間董之以威綏之以惠執之以信斷之以義而又矜持平清白之操以致牧政克脩而馬獨完且先馬人咸藉藉稱嘆曰前丞于斯者每以賄敗今若此蓋數十年所僅見者也謂非長於才者能之乎故予嘗署其考曰常例却而名檢自勵馬政脩而幹濟得宜豈虛美耶庸是甫及數月焯有聲績此其所以來太僕獎勸之典由是而進之撫仕

崇階詎可量乎視前所謂時有遲速數有成否者可得而拘之哉若夫近時仕者欲速者不知時者也妄意者不知數者也淺中者不足德者也滯行者不足才者也以是不足才德之人而有不知時與數之見身名胥失無惑乎世風愈下而治之不公君也予於君有深慶焉又有深感焉於是酌酒而歌之曰魯頌駟牡兮無邪是思衛歌駟牡兮塞淵自持以和召祥兮物罔不滋雲錦成群兮攻車載馳共武之暇兮安攘賴之荷茲寵命兮百祿咸宜

送王樂川戶部九江監稅

上苑春風御柳斜料晴曉紫陌烟沙民曹大夫拜帝命南來江國擁星槎蟠龍萬里雲中節歸鴈三秋夢裡家宛轉整駕東山道先過梓里駐仙車仙車到來三月天黃鳥嚶嚶鳴樹巔遊子聽之撩客思逢君話舊最堪憐彤管羽觴吟侍座雲塢花墜笑登筵歡晏遽爾遠言邁分袂翻爲離思牽旗亭送別鶯花墜青青草色野風寒山氣霏微連海岱川雲杳靄入江干征蓋遙臨吳水上堂齋獨掩魯城端可嘆室邇人遙遐何由接晤珮珊珊回首昔遊新邑日尊酒留連詩興逸予亦肯雲遠君方玉樹質誰憶今來復開顏風蓬轉徙真難必況今旌薦正北飛縱有遙情安得悉蠲羨分曹尋江頭邦儲綜理展才猷時論久懸山嶽望評謔應切廟堂憂知君心似寒潭水印取冰壺皎月秋會

須得代瓜期至兩袖清風觀鳳樓

宿張店寺

軒靜風聲細窓虛月影通偶來獨夜宿四視萬緣空
聳大明禪榻松雲隱佛龕應憐名利客何事日匆匆

過青州有懷王淮川

四圍山廓孤城險千里封疆一掌平春滿田疇含野色風來關
樹奏絃聲瞻雲不盡思親意向日常懷戀關情東去胸邑今在
眼故人喜得話平生

夜集王淮川

忝竊連卿郡文遊歷歲時比來官此地遙望繫予思何幸春風

夜同揮碧玉卮鵬搏方拭目莫負舊襟期

金嶺鎮宵行

暮夜驅行車寒燎照路衢喧喧鼓吹發星宿動清虛

長山往候臺察

車從乘春發焚輪起夕狂風沙迷客路雲日亂林芳寄重身忘
瘁心憂政欲良料應繡斧使旌別有封章

鄒平野中值雷雨兼懷一齋

軒車馳遠道雷雨漲旄烟正氣元凌漢丹心可質天窮通誠有
命出處且隨緣少試經綸畧寧為利祿筌操期永玉美政尚常
弦全勞拙安于素聲庸敢衆先最憎俗客眼豈識達人詮况復

同心遠曷勝別思懸

過古青門

遙觀雲樹外城廓儼猶存塵世驚何代荒原有舊門平沙人跡
少斷靄日光昏却憶雄圖恨空傷遊子魂

哭毛石溪太卿兼傷重內方翰學王衢州太守

內方哭罷又衢州忽報石溪不少留四海知音星落落兩行清
淚恨悠悠明時共惜人龍逝端世何緣彩鳳求追憶同袍三十
載幾回夢裏見君侯

臨朐山行

山空風力勁地僻日光寒峰度煙雲碧崖翻花草丹喬林啼異

鳥絕澗激清湍古有垂堂戒今愁遠道難

懋破丘俞氏庄次韻

乘輅宛轉度春山晴日遲遲翠靄間過爾茅堂堪適興清風一

榻白雲間

送王菊亭致仕

恬退辭榮十畝閒曉來祖帳薦陽關心懷民隱成多病性厭塵
羈在早還水繞芹泉堪濯足山連河曲最台頁予知已難爲

別張望文輅去莫攀

三學寺

禪院清風細巖陰卓午涼端居無俗念僻地遠塵光日照花容

媚風吹草色香南薰虞氏曲謾入鼓琴章

堤上偶成

堤上晨風暑氣微海邊日出散朝暉青山綠水寒雲亂碧樹蒼煙野雀飛簫韻自慚俗士駕河魚毋憶舊時磯從來吾道滄洲在倦鳥終還故樹依

夜過青城感懷

白雲親舍鳳城端縮地無由恨苦牽惟有月明千里共清宵相伴倚門看

夜集施一齋

明月當庭照佳賓共綺筵更憐同志好莫厭巨觥傳華燭明高樹霓裳媚晚天坐來涼夜未清賞興悠然

慶施太夫人七十

秋風浙浙白露寒桂魄婆娑光欲圓仙姝起舞瑤臺闕翩翩飛下浮光端浮光地跨中州勝塵寰往來閱時令弼成夫子列儒紳望重中壺修觀聽令子擢秀花封伯宅相攀蟾霄漢客指日微封下玉墀身兼五福稱嘖嘖喜茲七十初度日群仙到來仙籙出獸爐香噴紫檀煙瑤管音協朱鳳律五色雲外虬車聲九華丹液閃光晶火棗如瓜登玉案金莖帶露薦霞觥肩拍夢綠華扶執許仙媧從今笑看桑田地幾變滄海綠參差

秋夜即興

涼宵浮影氣零露滿秋叢野曠風吹急天空月色融絳紗籠蟬炬皂蓋引青驄慚爲浮名繫行行西復東

即事

華館新秋卓午涼重門深鎖拂晴光平徭自有宜民術體國須尋善政方提舞天風繁影碎鳥窺簷角巧音忙坐來終日琴堂靜竊効宗人治穎長

九月八日夜過平陵廢城有感

何代繁華地荒城見古臺暮烟連斷靄殘月隱高萊九節明朝至征鴻北塞來遙憐茅屋菊今日爲誰開

贈竹溪魯君擢尹招遠叙

予自弱冠登第交游半海內嘗會都諫戚南玄於同窓太卿毛石溪第習聞其姻友魯竹溪爲有道者久之余頃承乏新城君丞于斯幾三載矣益雅相善亡何君蒙恩擢招遠令乃謁予曰前丞恒坐誣累即弗累亦無能保終者幸得叨冒若此其曷訓以祗承哉余辭且再顧義不可以無言遂告之曰夫守令民之師帥所以承流而宣化也今惟親民令之賢否民之休戚係焉其責爲尤重肆我國家獨重其選而下涇以畀人者蓋慎之也今天招遠山海之隘鄙也其地藪通而嘯兇其俗輕剽而易煽緩之則玩激之則變厥惟艱哉非知道者其曷能濟或者曰君爲丞及攝諸邑剛介精敏勢利罔移庸能樹聲績爲臺使

所屢旌茲行殆何加焉予曰嘻地有巨細事有專分前乎丞則細而分也今乎令則巨而專也階崇秩異其地與事有不同如此矧夫人德難於自持才難於泛應績難於歷試情難於大同甚至矯世干譽而事每任之已焉則私矣私則弗中弗中則弗平弗平則民命有弗堪是奚足語道哉君固有道者聖賢道之會也易曰神而化之使民宜之孔子論政曰尊五美屏四惡真西山論屬亦欲脩四事去十害此皆格言也君誠体而行之可以德教可以刑罰可以因可以革翕張闡闢諸道焉耳矣其他如俗所謂征以股膏佚以敗度刑以剝膚梏以窒性一切拂民者弗爲於道其廢幾乎夫然則人惟見其德養於默才蓄於晦功收於簡情協於正動罔弗善治其民而民從之矣有於地之疆而俗之易煽也耶則南玄謂君爲有道者信不虛矣言既君作而謝曰機強志于道敢不奉以周旋遂相率餞諸桓臺之上而別

雪中別竹溪魯君尹招遠

祖帳陽關擁使節
寒米追陪樽俎繁
且盡沙頭雙玉瓶
何妨門外驪歌闋
海風吹雪舞珊瑚
萬里同雲拂曉寒
冰花幻出梅千樹
凍月裝成玉萬竿
相逢未久復相離
美人辭我將東之行色
胡爲匆匆爾云是官程
毋愆期
軺車遙指萊陽道
蓬萊海市飫幽抱
樓臺蜃氣闢奇姿
邑里鮫人驚華藻
琴堂到日鳴朱絃
春

來鳳駕稅桑田始信陽春今有脚莫令鷄犬夜無眠更體斯民父母情皎懸秋月冰壺清男子路頭牢着足吾儒義利要分明報政三年名位謫慰我交將仰止渴飲罷君上瑤臺去雲山萬疊清光潤

謝兩院部寺獎勵

某才不逮人學未聞道比自筮仕以來心期廉幹力効愚忠唯求立政寡過而已近誤蒙本院獎勵某門心曾懼揣分奚堪從此愈切矜持之懷仰副優待之意綠繫職守末由參謁先此差官謹爲申謝

(明)邵經濟 撰

西浙泉厓邵先生文集十卷詩集十卷

明嘉靖四十一年張景賢王詢等刻本

刻泉厓先生文集序

吳予師泉厓先生文集也昔先生守成都聲績流著語在丹崖
劉公所撰去思碑記中公暇則網羅簪髦甄育而品藻之值嘉
靖丁酉秋四川校士一榜差半皆出公檢閱予亦幸綴末行未
幾先生在告而予奉

命撫南畿先生持文若干篇過予官邸辱予為之序予方譙讓
未遑也既予亦西歸而先生又走書尋前盟方欲命筆而先生
已僊歟矣今其子棠生又請予益感而歎歎者久之嗟乎予豈

忘先生疇昔之命耶予嘗覽近世學士大夫其所撰述大抵集
采嫚者纖而弗勁守紀律者局而弗揚沿靡麗者縟而易陷崇
渾朴者質而易俚弘治正德間夢陽李公發迹於北郡景明何
公振藻於信陽植卿徐公揚休於姑熟西原薛公高視乎南畿
然後四者之弊一洗而去近蓋無匹休者焉予讀先生文渾厚
閑深先秦兩漢遺矩也然未嘗襲其一語蓋先生雖憲章前古
而神裁天巧非假人為觸物陳詞縱橫磊落頃刻而千言立就
詠鳥鳳曜玉綴珠聯豈惟無四者之弊即與四君子爭響越羅

紫長度大可矣予嘗擬先生之文其奇也如層崖疊嶂連綿間
出其勢也如長川大河波濤洶湧非不駭心奪目及近而即之
則蒼然之色淵然之光又未嘗見其異也蓋先生之蓄也深故
其發自遠其蓄也專故其變不測自其臨政御治號令徵發米
鹽項肩皆文也豈必摘藻而後知哉先生其不為今之矩矱而
有合於古明矣詎與夫沿習區區為模而字擬之以愚然者
可同日而語哉雖然先生何以得是也其先大夫大率翁以文
行表於一時有眉山之譽而先生與伯氏私齋君夙承嚴範俱

起家成進士步軌轍之芳其淵源蓋有自云先生名經濟字仲

才別號泉厓杭州仁和人

皇明嘉靖四十一年壬戌春二月吉旦

賜進士出身中憲大夫都察院右僉都御史奉

勅總理糧儲提督軍務巡撫應天等地方西蜀門人明厓張景

賢頓首謹啟

附錄

四川成都府去思碑

賜進士出身通議大夫都察院右副都御史奉

勅巡撫貴州等處地方天彭卅厓劉士元撰

夫執政者儼然而臨乎其位政之所行有張弛好惡故民之從違毀譽恒參半焉而公是則罔愆也惟於去位之後毀譽之情與物俱化犁然以沮而人心之公是町定也已矣是故封南國之棠者思召伯之政泣岷山之碑者思泮子之德油油然于千百世之下有足稽已仁和邵公來守成都懷柔我土有以系民之思者因略其槩

附錄

公自丙申春來蜀歷夏無雨公禱神四郊霑澤皆稔且弔古崇祀問俗求瘼百度改觀一新成都父老聚首相賀曰一十八季來蘇也其我公竟見乎成都當全蜀上游繁劇叢集如蠅公靡宵旰批牘竄稿無停遇疑獄則焚香籲天一決如見平反者弗可勝計咸以神明稱之蜀賦歲逋公立限不刑一人而儲餉充實數十萬公暇則甄育士類督之文院聘師主之每期品藻批撥罔倦值丁酉秋校士一榜次半皆出檢閱時稱得人至戊戌攷校當國者論及公可當天下治行第一迨入蜀以外艱去爰被誣釋位嗚呼公矢心如青天白日而勤事如

治家綜理周密無不可對人言者公去成都至今日長老童子以逮昨隸邇乎聲容之不相及也思之若弗能忘泫然至欲垂涕所謂天下之公是者非耶弟子員黃閣趙承恩輩請言以慰民心之思爰樹碑德星亭於四公祠之右勒之石昭昭表若少府包公梧陳公知方咸官成都繼休於前政法得並書以俟觀風者采公諱經濟號泉厓伯氏經邦俱名進士抑以直道忤時浙仁和人

嘉靖歲丙午冬十月既望

附錄